



083
000
805.102.4
833(50)25
248
F

ՀԱՅԱՍՏԱՆԸ ԵՎ ՍՓՅՈՒՌԸ 21-ՐԴ ԴԱՐԻ ՇԵՄԻՆ ԳԻՏԱԺՈՂՈՎԻ ՆՅՈՒԹԵՐ

Երեւան 29-30 մայիս
1998 թ.

Y28M 5-540-01683-1

Copyright © Armenian Relief Society Inc., 1998

Սիգ գրաֆիկ - 1998 թ.

ՈՒՒԲԻՆԱ ՓԻՐՈՒՄԵԱՆ**ՀԱՅՐԵՆԻՔ-ՍՓԻՒՔ.****ԱԶԳԱՅԻՆ ԴԱՍՏԻԱՐԱԿՈՒԹԵԱՆ ՀԱՐՑԵՐ**

Այս գիտաժողովի առաջին նիստին ներկայացրած զեկոյցիս մէջ մատնանշեցի համազգային տարողութիւն ունեցող հարցեր, որոնք, ինչպէս ասացի, շատ նուրբ, ռազմավարական ծրագրումի կարիքն ունեն. նշեցի, թէ անկախ Հայաստանի այս նոր փուլը եւ ապագայի տեսլականը մի նոր հարթակի վրայ է զետեղել այս հարցերը, որոնք, հաւատում եմ, միայն ու միայն Սփյուռք-Հայրենիք առողջ համագործակցութեամբ պիտի լուծեն: Այդ հարցերից իւրաքանչիւրը կարող է մի գիտաժողովի նիւթ դառնալ, եթէ լրջօրէն փորձում ենք գտնել իւրաքանչիւրի լաւագոյն լուծումը, որ պիտի պարփակի զաղափարաբանութիւն, նպատակ, միջոց ու գործելակերպ, որ պիտի ծառայի իբր առաջնորդ հետագայ տարիների գործունէութեան: Այդ հարցերի մէջ են երիտասարդութեան փոխանցելիք կրօնական դաստիարակութեան հարցը՝ առաջն առնելու համար աղանդաւորական շարժումների ներթափանցումների. Անթիլեաս - Էջմիածին մօտիկ համագործակցութիւնը՝ հոգեւոր գործունէութեամբ ամրակայելու համար Հայ եկեղեցու դերը մեր առօրեայ կեանքում եւ շեշտաւորելու համար նրա ազդեցութիւնը մեր բարոյական եւ մարդասիրական աշխարհայեացքի վրայ. Սփյուռք-Հայրենիք նպատակադրւած քննարկումը Սփյուռքի ապագայի՝ այսօրւայ Հայաստանի իրողութեան լոյսի տակ եւ այս ծիրի մէջ՝ նաեւ քննարկումը սփյուռքահայութեան հոգեբանութեան մեթամորֆոսի, մանաւանդ՝ Հայաստանից արտագաղթած հսկայ զանգւածի թողած ազդեցութիւնը Սփյուռքի հայաշատ զաղութների նկարագրի ու կառոյցի վրայ. սփյուռքահայի ազգային ինքնութիւնը իբրեւ քաղաքականութիւն եւ այդ ինքնութեան յարաբերութիւնը հիւրընկալ երկրների մշակոյթի եւ ազգային ինքնութեան հետ կամ յառաջացումը ազգային գիտակցութեան եւ ինքնութեան նոր հասկացողութեան, որ հաշտեցւած լինի սփյուռքահայի քաղաքացիական պատկանելութեան հետ. ազգային գիտակցութեան ձեւաւորում՝ Հայաստանում, այն, որ պայքարել ենք պահելու համայնավար վարչակարգի օրօք եւ անուշադրութեան մատնել վերջին տարիներին. եւ վերջապէս Հայաստանի կրթական համակարգի, մանաւանդ հայեցի նիւթերի դասաւանդման ծրագրաւորման, նորագոյն մեթոդների ու միջոցների կիրառմամբ շասագրքերի եւ ուսուցիչների պատրաստութիւն:

Մօտ մնալու համար թե՛ իմ մասնագիտութեան ու փորձառութեան եւ թե՛ այս գիտաժողովի սահմանած թեմաներին, պիտի կենտրոնանամ այդ հարցերից երկուսի վրայ միասնաբար՝ սփիւռքահայ եւ հայրենի մատաղ սերունդի հայեցի դաստիարակութիւնը հայակերտման եւ մեր ազգային նպատակների իրագործման իբրեւ անհրաժեշտութիւն, կամ ինչպէս զեկոյցիս վերնագրով եմ ձեւակերպել, հայրենի եւ սփիւռքեան մատաղ սերունդների ծրագրւած եւ համադրւած ազգային դաստիարակութիւնը որպէս անկիւնաքար «Մէկ Ազգ, Մէկ Հայրենիք» տեսլականի եւ «Ամբողջական Հայաստան» գերագոյն նպատակի իրագործման:

Սփիւռք, Հայրենիք. եօթնասուն տարի կրկնել ենք այս զոյգ յորջորջումները եւ դրանց մէջ դրել ենք մէկ ամբողջ իմաստային ցանց, երկու յղացքների երկու տարբեր ու համակ տարբերող համակարգեր: Այսօր եկել ենք քով քովի ու փորձում ենք մարսել այդ յղացքները, բնորոշել տարբերութիւններն ու գտնել սիեզիսը, որ դառնայ խարիսխը ապագայ համագործակցութեան: Ուշացել ենք: Սա պիտի կատարւէր 91-ին, երբ Հայաստանը յայտարարեց իր անկախութիւնը: Տաք էր մթնոլորտը: Սփիւռք-Հայրենիք սիրտ, հոգի, եռանդ, ուժ ու բռնկեց զօրւած էին իրարու: Չեղաւ: Ժամանակի իշխանութիւնը այդ լայնախոհութիւնը ու բարենտութիւնը չունեցաւ: Ազգային գաղափարախօսութիւնը, որ հիմք պիտի ծառայէր նաեւ այդ համագործակցութեան, հեզմանքով մէկ կողմ նետւեց: Այսօր կանգնած ենք նախասկիզբի սահմանին: Պիտի արագացնենք մեր քայլերը որովհետեւ ինչպէս երէկ ասացի սկսում ենք ո՛չ թէ գերոյից այլ բացասականից:

Սփիւռք-Հայրենիք՝ երկու տարբեր հասկացողութիւններ

Սփիւռքը սփռւածութիւն է, արտացոլում է մի ժողովրդի իրավիճակ, որ ազգ չի, չունի հայրենիք եւ ենթարկւում է նախ՝ իր սփռւածութեան ծնունդ տուող ազդակներին, ապա՝ իր ապրած վայրի թելադրած պայմաններին: Հայ ժողովուրդը 1920-ից յետոյ ապրեց այս իրավիճակը, ի սփիւռք աշխարհի համայնքներ կազմեց ու կազմակերպւեց: Ի՞նչն էր մղիչ ուժը կազմակերպւելու՝ ապագայի յոյսը, տեսլականը՝ ապագայի Ազատ, Անկախ եւ Միացեալ Հայաստանի կերտման՝ հայահաւաքման ու հողահաւաքման: Այս գաղափարի շուրջ համախմբւելով սփիւռքահայութեան մի հսկայ հատւածը աստիճանաբար ստեղծեց իր կառոյցները՝ եկեղեցին, դպրոցները, միութիւնները: Այդ տեսլականի համար պէտք էր պատրաստւել, սերունդներ պատրաստել, այսինքն՝ առնւազն հայ մնալ: Իսկ ո՞ր էր հայրենիքի այն բեկորը, որ ազատւել էր թուրքի եաթաղանից, որ պիտի կերտէր մնացորդացի հայ հոգին, պիտի դառնար աղբիւրը սփիւռքահայութեան յոյսի ներշնչման եւ ջանքերի միացման, որ պիտի դիւրացնէր նրա պայքարը

գոյատեւման: Օտարակուլ հայրենիքը ստանձնեց իր դերը, բայց կերտելու համար «սովետական մարդը» իր ապագային ու նոյնիսկ ապաքաղաքական կերպարով ու իր բարոյական իւրայատուկ հասկացողութիւններով, նկարագրով: Օտարակուլ հայրենիքը ստանձնեց իր դերը, բայց դժբախտաբար ո՛չ թէ Սփիւռքի սփռածութեան դէմ, այլ՝ ընդդէմ սփռածութեան մէջ կատարուող միացման ճիգերի՝ շեշտաւորելով ծնունդ առած որեւէ տարածայնութիւն ու հակամարտութեան. նպատակը՝ համայնավար վարչակարգի տիրապետութեան ապահովում. միջոցը՝ «բաժնէ՛, որ տիրես» երկու հազարամեայ կարգախօսը: Արդիւնքը՝ նախա 1988-եան Սփիւռքի պատկերը՝ բաժանւած եկեղեցիների իրենց տարբեր կառոյցներով, իրարու դէմ կռիւ ելած կուսակցութիւններ եւ այս բոլորի կողքին հետզհետէ աճող լուսանցքը այն հայերի, որոնք կորցնում էին հետաքրքրութիւնն ու եռանդը դէպի հայն ու հայկականը, ձուլւելով, ուծանալով, կամ այլ յարանաւնութիւնների մէջ գտնւելով իրենց հոգեկան բաւարարութիւնը: Արդիւնքը՝ նախա 1988-եան հայրենի ժողովրդի տխուր իրավիճակը եւ հետզհետէ խորացող վիճակը երկու հատւածների միջեւ:

Ծիգ միացումի

Իրագործման միայն մէկ ճամբայ գոյութիւն ունի՝ որդեգրել մէկ ու միակ գաղափարախօսութիւն, ազգային գաղափարախօսութիւն, որ յենւած լինի հայահաւաքի ու հողահաւաքի սկզբունքների վրայ: Գաղափարախօսութիւնը կը գծի ճամբան կը պայմանաւորի միջոցները: Հայաստանը եւ Սփիւռքը փոխադարձ դերակատարութիւն կունենան երկու միջավայրերի պայմաններն ու հոգեբանութիւնը մօտեցնելու - նման դէպքում պարզ է, որ կը բացառուի նախապէս պարտադրւած երկու բացարձակ դերեր՝ Սփիւռքը դրամ տուող, Հայաստանի իշխանութիւնը՝ առնող:

Ծրագրւած բազմակողմանի համագործակցութիւնը կեանքի բոլոր բնագաւառներում ենթադրում է կազմակերպւածութիւն, շեշտւած ազգային նկարագրի, տրամաբանւած ազգային պատկանելութիւն: Իսկ այս բոլորի հիմքում ընկած է նոր սերնդի դաստիարակութիւնը, թէ՛ Սփիւռքում եւ թէ՛ Հայրենիքում, իբրեւ գիտակից ու յանձնառու հայ, ատակ՝ դիմագրաւելու բարոյութիւններով ու պայքարով լի ապագան, պատրաստ՝ մտքով, հոգով ու մարմնով նւիրելու իր Հայրենիքի ընկերային, տնտեսական եւ քաղաքական բարօրութեան ու վերելքին, իր ազգային բարձր նպատակներին, իր ժողովրդի արդար հատուցման:

Կատարածս մատնանշումները նախ ենթադրում են չգոյութիւն, բացակայութիւն: Չափազանցութիւն չի լինի հաստատումս, թէ, ամենուրեք տարւած

բոլոր ճիգերոջ հանդերձ, այսօրւայ աշխարհաքաղաքական պայմաններում ու գլոբալիզմի ճամբան բռնած մարդկութեան ընկերութեան մէջ հայ երիտասարդը չի պատրաստուում իր ազգային ինքնութեան ու ազգային նպատակների հետ հաշտ ու համերաշխ իր տեղը գտնելու: Սփիւռքում տարւող աշխատանքը անբաւարար է, նոյնիսկ ծայրայեղ զոհաբերութիւններն էլ զուրկ են նպատակաուղղւածութիւնից, նոր սերնդի մէկ փոքր տոկոսն է մեր ազգային կառոյցներին կապւած, մնացեալ առնւազն լուսանցքային ներկայութիւն են, կամ արդէն հիւրընկալ երկրի ընկերութեան մէջ ծուլւած, հայութիւնից ամբողջովին հեռացած: Դժբախտաբար, իբրեւ ցաւալի իրողութիւն պիտի մատնանշեն մի փաստ Ամերիկայի մասին, որ իրողութիւն է նաեւ Սփիւռքի այլ համայնքներում. հեռացող ու ծուլւող տարրի մէջ համեմատական հաշուով մեծամասնութիւն է Հայաստանից արտագաղթած տարրը (խօսում են մեծամասնութեան բայց ոչ բոլորի մասին), կարծես թէ ազգային ոգին, ազգային բարոյական հասկացողութիւնը, հայ մնալու ձգտումը այնքան հիմնական կերպով չի տեղադրւել նրանց հոգիներում, որ դիմանայ ուժացման, դիմանայ օտար մշակոյթի գրաւչութեան ու ձգողական ուժին, դիմանայ անբարոյ միջոցներով արագ հարստանալու գայթակղութեան: Մեծ է այս հատւածի թողած ազդեցութիւնը, մանաւանդ՝ ամերիկահայութեան imago-ը փոխելու, հասարակական կարծիքի վրայ ընդհանուր առումով բացասական տպաւորութիւն թողնելու տեսակէտից: Մեծ է նաեւ նրա պատճառած ցնցումը գաղութի կառոյցների վրայ: Եզրակացութիւնս այն է, առանց յստակ փաստերիս շարքը երկարելու, թէ ազգային դաստիարակութիւնը նոյն նպատակաուղղւածութեամբ ու նոյն քաղաքականութեամբ պիտի դառնայ մտահոգութիւնը թէ՛ Սփիւռքում, ուր օտար է ամէն ինչ, եւ թէ՛ Հայրենիքում, ուր հայ է միջավայրը, օդը, ջուրը, կենցաղը:

Դիւրին է ձեւակերպումը բայց դժւարին՝ ծրագրաւորումը: Փորձեն մօտենալ դժւարին լուծմանը ընդգծելով ճամբան՝ հայ հոգու պատւաստում երիտասարդ սերունդի մէջ, փոխանցում հայոց պահանջատիրութեան, իբրեւ հիմքը Հայ Դատի, որ գրաւականը պիտի դառնայ Հայ Դատի բարենպաստ լուծման ապագայում եւ իբրեւ գաղափարաբանութիւն պիտի ծառայի հայութեան երկու հատւածների տակաւ մօտեցման՝ մէկ նպատակ ու մէկ պայքար նշանաբանի հովանու ներքոյ: Այն, ինչ որ պակասում է այսօր հայ պատանու կրթութեանը իբրեւ կարելոր բաղկացուցիչ հէնց այդ ոգին է, պահանջատիրութեան ոգին, որի հիմքում ընկած է Ցեղասպանութիւնը, իբրեւ սկզնաղբիւրը հայ ժողովրդի ցրւածութեան, իբրեւ մեկնակէտը մեր պահանջատիրութեան: Եթէ հայ երիտասարդը չգիտէ թէ ի՞նչ է Մեծ Եղեռնը - եւ ես չեմ խօսում Եղեռնի արիւնոտ, սրտաճնլիկ, հոգի պատռող պատկերների մասին, այլ նրա իմաստի, նշանակութեան, ինչպէ՞ս կարող է ըմբռնել

Թուրքիոյ ուրացումը, նրա կեցածքն ու քաղաքականութիւնն այսօր, նրա հակահայ քարոզչութիւնը միջազգային բեմերում, մեր մշակութային կոթողների շարունակող դիտումնաւոր փճացումը Արեւմտահայաստանի տարածքում, սփիւռքահայի հոգեբանութիւնն ու աշխարհայեացքը. ինչպէ՞ս կարող է ճիշտ ընկալել Ղարաբաղի հարցը: Ինչպէ՞ս պիտի կարողանայ ըմբռնել ազգային ուրոյն գիծը մեր արտաքին քաղաքականութեան մէջ:

Եթէ մեր հայրենիքի կառավարութիւնը ճիշտ կողմնորոշումով Հայոց Ցեղասպանութեան ճանաչումն ու վնասից հատուցումը ընդունում է իբրեւ հիմունք իր արտաքին յարաբերութիւնների եւ ազգային քաղաքականութեան, ապա դա պիտի մտնի դպրոցներից ներս դասաժողովի մէջ այդ քաղաքականութեան հիմերը ամրացնելու: Իմ կարծիքով, անիմաստ, եթէ չասենք ծիծաղելի, մօտեցում էր պատանի աշակերտին «խնայել», նրա հոգին չթունաւորել Եղեռնի մասին դասաւանդելով: Ամերիկայի պետական դպրոցներում փորձում ենք ներառնել տալ Հայոց Ցեղասպանութիւնը ի շարք մարդկային իրաւանց բռնաբարումների այլ օրինակների՝ աշակերտներին փոխանցելու համար այդ ոճիրների համամարդկային բնոյթն ու տարողութիւնը, վարժեցնելու նրանց այն միջոցներին, որոնցով կարելի է լսել ահազանգը, կանխատեսել եւ կանխարգիլել աշխարհի որեւէ ծայրում որեւէ ազգային խմբակցութեան կամ փոքրամասնութեան դէմ կատարուող ցեղասպանութիւնը: Միջանկեալ, Թուրքիոյ աշակերտութիւնն էլ չի սովորում հայերի դէմ իր նախորդների ի գործ դրած ցեղասպանութեան մասին. եթէ մերոնք էլ չսովորեն, մենք եւ թուրքերը էլ ի՞նչ հարց ունենք իրարու հետ:

Այստեղ չպիտի խօսենք այն բոլոր միջոցների ու մեթոդների մասին, յատուկ դասագրքերի եւ ուսուցիչների պատրաստութեան մասին, որոնց ամբողջութիւնը հասարակ, դասական դարձած դասաւանդումը պիտի դարձնի ոգի, կենդանի գործ, պահանջատիրութեան զգացում, այսինքն՝ այն հայրենասիրութիւնը, որ պակասում է մեր երիտասարդութեանը, որին այնքան կարիքն ունենք այսօր: Հնուց եկած, աւանդական դասագրքերն ու դասատուութիւնը չեն գործում Սփիւռքում. իսկ Հայաստանում, դեռ դժբախտաբար Հայաստանի կրթական համակարգը չի ձեռքագատել համայնավար սկզբունքներից ու մեթոդաբանութիւնից. այստեղ մեծ կիրքով քանդւել է հինը, առանց յարմարագոյն նորի ստեղծումի: Սրանք մասնագիտական հարցեր են, որոնք տեղին ու ժամանակին պիտի քննւեն. բայց արժարժենք հարցը, այն դարձնենք մտահոգութիւն, առաջնահերթութիւն՝ մօտ ապագայում նրա լուծման ձեռնարկելու համար: Իսկ այս ձեռնարկութեան մէջ ես տեսնում եմ ամենաօգտակար համագործակցութիւնը Հայաստանի եւ Սփիւռքի միջեւ: